

卷五

得謚名臣傳卷五

早九



八旗通志初集卷之一百八十九
名臣列傳四十九

鑲白旗漢軍得謚大臣

蔣赫德

朱昌祚

白色純

雷繼尊

鑲紅旗漢軍得謚大臣

卞三元

王登聯

馬雄鎮

陳啟泰



蔣赫德。本名元恒。字九貞。漢軍鑲白旗人。世居遵化縣。天聰三年。

太宗文皇帝親統大兵入關。克取遵化。考選儒生俊秀者送

盛京內院讀書。元恒年甫十五。拔第二。

賜名赫德。順治元年。扈從

世祖章皇帝入關。定鼎燕京。二年。授內國史院學士。三

年。四年。相繼開科會試。並奉

命教習庶吉士。六年。會試。復奉

命教習庶吉士。其教人先器識。後文藝。成就人材甚盛。三科庶吉士中。官至大學士者九人。呂宮傳以漸李霸三人。則先後枚卜。且與赫德同時任大學士。至今以為玉堂盛事。是年充纂修

太宗文皇帝實錄副總裁。十一年三月。陞內弘文院大學士。加太子太保。掌國史院事。十五年九月。改內三院為殿閣衙。別設翰林院。於是赫德改授文華殿大學士。加少保。十七年二月。以病予告。赫德由學士陞大學士。在內院十五年。毗贊端揆

恭敬誠恪。持大體。於國計民生。多所裨益。聖祖仁皇帝嗣位。復設內三院。康熙二年。詔起補國史院大學士。未幾。復以疾請假歸。又七年卒。賜祭塋如典禮。謚文端。赫德累事三朝。端方清慎。事無鉅細。未有不稱旨者。順治初。有流棍韓鼎玉等。寓遵化。以私憤聚眾搆爭。有司以叛逆上

聞奉

命審理。力為昭雪。一邑賴以無擾。又以久旱。奉

薄宜從溥今俱寫溥字後俱應挖改

人子乎。全活甚衆。生平淡薄寧靜。居家
無甚才力。宅至於贍宗祖戚。黨施予不倦。今猶
有懷其德者云。

朱昌祚字雲門。漢軍鑲白旗人。世居山東高唐
州。

國初入旗籍。初由京職。陞宗人府啓心郎。順治十
八年。陞浙江巡撫。時寇盜未息。抵境。撫勦悉當
機宜。減嘉湖白糧經費。復台溫軍儲本色。杭寧
諸處災傷。拜疏請賑。民賴不死者數十萬。康熙

三年。遷福建總督。加兵部尚書。以丁憂未之任。
四年六月。

特起直隸河南山東三省總督。請終制不允。五年蒞任。
銳意任事。十一月。以鑲黃正白等旗撥換地土。
旗民俱受苦累。昌祚疏言。竊見七旗具告。當年
圈給近畿州縣地土。內有水磧不堪。積荒難種。
蒙

聖恩軫念。旗下艱苦。特遣都統貝子溫齊等。遍閱州縣
村莊。將原給各旗地土。勘明可以耕種及不堪

命清理刑獄。平反允孚。全活甚衆。生平淡薄寧靜。居家無高大第宅。至於贍宗祖戚。黨施予不倦。今猶有懷其德者云。

朱昌祚字雲門。漢軍鑲白旗人。世居山東高唐州。

國初入旗籍。初由京職。陞宗人府啓心郎。順治十八年。陞浙江巡撫。時寇盜未息。抵境。撫勦悉當。機宜。減嘉湖白糧經費。復台溫軍儲本色。杭寧諸處災傷。拜疏請賑。民賴不死者數十萬。康熙

三年。遷福建總督。加兵部尚書。以丁憂未之任。四年六月。

特起直隸河南山東三省總督。請終制不允。五年蒞任。銳意任事。十一月。以鑲黃正白等旗撥換地土。旗民俱受苦累。昌祚疏言。竊見七旗具告。當年圈給。近畿州縣地土。內有水磧不堪。積荒難種。蒙

聖恩。軫念旗下艱苦。特遣都統貝子溫齊等。遍閱州縣村莊。將原給各旗地土。勘明可以耕種及不堪

荒業並鑲黃旗地比別旗甚不堪者。分別具疏請

旨。乃荷

聖明洞鑒。

勅部查議。將鑲黃正白兩旗地土房屋。酌議圈換。專責

戶部尚書臣蘇納海。侍郎臣雷虎。會同臣與撫臣王登聯。商議圈丈。臣奉文星馳往劄薊州野外。露處帳房。每日督率道州各官。同部員旗。下章京牛录。從城壕邊圈起。由近及遠。照牛录

所管披甲壯丁。次序晌畝。將房地逐一圈丈。迄今將及一月。無就緒。蓋其俟圈過地畝。仍有肥瘠不同。各旗官丁。視擇厚薄。相持不決。而被圈夾空民地。百姓又哭訴失業。殆無虛日。臣目擊旗民並困情由。不敢不據寔剖陳於

聖主之前。仰祈

睿鑒採納。伏念直省州縣。田地之硠薄膏腴。賦稅之上中下則。原自異同。豈能盡美。都統貝子溫齊等。親勘七旗舊給地畝。同村共井之內。即有肥瘠

參差分別甚明。祇因鑲黃旗下地畝甚不堪。酌議更換。又以正白旗下地畝。當日分撥。不符祖制次序。故令兩旗更正地上。欲期其相安。垂久之策也。但臣見鑲黃旗行圈正白旗薊州地畝。皆歎歎有辭。其情不一。或因新圈地土瘠薄。反不如舊得原地肥美者。或因本旗舊地不堪。今圈得新地。仍最不堪者。間有所得舊地薄。而新地厚者。承受無言矣。其有所得舊地厚。而所換新地薄者。觀望吁嗟矣。臣窺旗下本意。口雖不言。心實

不樂有此易地之舉。即今勉強撥給。或苟且隱忍。難必其異日不出而告苦。又如今日重煩聖明一番經畫也。臣因親閱薊野地畝。窪下者多。若遇水滂。甚於他區。別州縣臣未能周知。若薊境肥地原少。茲又奉

旨清除

朝廷莊頭。並投充納錢糧莊頭。及包衣牛录及額駙下莊頭等項地畝。俱准免圈外。則所存瘠薄者多。無怪乎其相率愁歎。苦形於色也。今初圈鑲

黃旗地畝人心如此。至圈正白旗地土。又槩可知矣。臣思安土重遷。人情所願。况兩旗滿洲蒙古烏真超哈各官。及披甲壯丁。原分得舊處莊地房屋。二十年來相安已久。靡不有父母墳墓在焉。一旦因更易房地。豈能互相移徙。又值此隆冬。各旗都統同章京牛录。帶領披甲壯丁。沿鄉遶村。棲止廟宇草舍。曠日持久。守候行圈。而窮民裹糧食盡。不免饑寒種種情狀。難以盡述。此旗下困於易地之苦情也。臣又見州縣百姓。

自聞奉

旨。圈占夾空及開墾成熟民地。所在驚惶奔想。自臣露處野外以來。每日據士民環門哀籲。有稱州縣熟地。昔年圈去無遺。今之夾空地土。皆係圈剩荒蕪窪下。年來招墾成熟。當差辦稅者。有稱閔廂大路鎮店房屋所居民人。皆承應墊道搭橋擺渡修塘。以供

皇陵運料車輛。及一切公差雜役者。有稱新經被圈地之家。即令搬移別住。無從投奔者。有稱時值嚴

寒扶老携幼。即遠徙他鄉。又恐地方官疑以逃人。不容棲止者。有稱祖宗骸骨。父母邱塚。不忍拋棄者。哀號乞免。一字一淚。臣雖一一慰諭。第閱其情詞。失業可憫。覩此景象。繪圖難形。此又百姓困於圈地之苦情也。臣職在安民。而民隱至此。分所當言。曷敢壅蔽。不以實

聞乎。若兩旗更換地土。出自

廟謨。非臣可得越職言事。惟是臣遍察薊州。及廣詢遵化等應換州縣。壯丁投充地畝。並夾空民人耕

熟地畝。自本年秋收之後。一聞奉

旨。圈換。盡數拋荒不耕。方圓四五百里。今冬二麥全無播種。明年夏初。安得有秋。且時已仲冬。雖各官現在分途丈量。約計行圈竣事。難以定期。明春東作。必又失時。則來年秋收。又難望矣。京東群邑。旗下換地。兵丁州縣失業窮民。合而言。不下數十萬。田地荒蕪。糧草盡絕。資生奚賴。豈無撻而走險者。地方有事。此臣之責任所關。又安敢畏忌。越分建言。不以實

聞乎。臣忝為

朝廷封疆大吏。奉

命會商園丈地土。既見旗下民人並困如是。明知不言。

冥心坐視。則大負

聖主任使鴻恩。此臣義所不敢出也。故因避斧鉞。據實

冒昧披陳。恭請

聖明斷自宸衷。毅然停止。庶俾旗下官丁各隨所願。得以仍守故土。而不致有後來告苦瀆擾事端。所係非淺鮮也。至於京東州縣一十二城。老幼男

婦億萬生靈。獲免流離播遷。皆沐

聖主浩蕩生全之德。奕世無疆矣。其部覆都統貝子溫

齊等。勘實鑲黃旗。甚不堪地畝。若遇旱澇荒年。

應否少加優恤。伏乞

勅部確議定奪。非臣所敢擅議也。事關係奏。字逾常格。

貼黃難盡。統祈

宸衷。即諭停止。疏入。輔臣鰲拜等。以昌祚越行干預。紛

更其奏。矯

旨。交吏兵二部議。革職交刑部治罪。刑部議以鞭責。

聖祖仁皇帝詢問四輔臣。未先所議。鰲拜遽矯

旨。坐昌祚立絞。旗民哀之。八年七月。

聖祖特諭吏部。原任總督朱昌祚。巡撫王登聯於撥換地畝時。見民間旗下困苦。因有地方之責。具疏奏聞。鰲拜等輒以為非其職掌。越行干預。不按律文。冤枉處死。伊等皆國家大臣。並無大罪。冤死深為可憫。理應昭雪。以示仁恩。作何恩恤。予謚。及廕子入國子監讀書。爾部議奏。尋議覆。予祭葬。如典禮。賜謚立碑。廕子入監讀書。以大四品京

官用得

旨。悉如所議。謚曰勤愍。立碑墓道。文曰。稽古建業。驅策羣力。不吝爵賞。以勸有功。昭示後世。永垂不朽。所以勵忠。蓋甚備也。爾朱昌祚。性行純良。才能敏練。總督三省。著有勤勞。乃以撥地。因見民間旗下困苦。具疏奏聞。無故誣陷。朕甚悼焉。特加追卹。賜謚曰勤愍。勸諸貞珉。永光泉壤。國典臣誼。庶其昭垂。無斁哉。昌祚治浙江。惠澤尤深。民懷其德。康熙三十三年。崇祀名宦祠。子紱。是年補督捕理事官。仕至大理

命巡撫江右。入境以來。無日不以安疆靖寇為念。恨不滅此克逆。而後朝食。以酬報主之私。是以每遇父老。慰問民間疾苦之外。即密詢平日風聞逆寇情形。其中大同小異。事真而可採者。一為逆賊割辦狡謀。最為脅從。負固張本。蓋以賊兵原屬有限。東支西吾。虛張聲勢。一竊據我地方。遂將百姓割去髮辮。意謂

王師所到。必以無辮加罪。因而鼓惑人心。互相負隅死守。此愚民貪生畏咎之心。非本意黨寇堅壁

之計。若將免究短辮之令一行。則人無恐懼。民自為民。賊自為賊。無可施其迫脅之謀。或有好義良民。內應攻擊。皆不可定。議者以為似此。則無以別奸細。恐致貽誤稽查。殊不知逆情最狡。既欲陰謀作探。何難留辮前行。豈肯使令短辮之人。自露形跡。以臣愚見。合之道路之口。亟寬短辮。實為靖亂之一端也。再查人情顧身之外。莫重於愛妻子。今聞狡逆肆謀。每處屯扎。多在城池村莊之外。陽為百姓外護。陰借百姓相幫。

望之以為寇盜甚多。其實強半皆我蒼生赤子。及至天戈所指。寇即弭耳而遁。我兵見人在對壘之間。難分玉石。勦殺之餘。例得收其家口。然皆迫脅之徒。究竟俱非真寇。蓋逆謀奸惡。來則侵我地方。去則害我百姓。以致愚民來去無從。多為寇誘。臣以為亟寬脅從。免收家口。俾百姓無所驚怖。亦不為賊守禦。立見逆勢困窮。不難盡膏斧鉞。且將來克復之日。免有土無民之歎。除克善後。莫踰於此。是又靖亂之一端也。臣甫

離廷陛深悉

聖主念切黔黎。急欲出之水火。臣身到地方。察知情事。敢不直抒鄙悃。仰體

宸衷。伏乞

睿裁。並勅廷臣酌議。免究民人短絀。免收脅從家口。特

發

諭旨。通示用兵地方。遵奉如此。則人心自安。不為寇惑。各保身家。漸臻寧謐。而逆勢孤單。乏助。指日蕩

平。誠

聖主天地之恩。社稷無疆之福。至於處治大逆真寇。自

朝廷有

朝廷法度。不在此例。疏入。

詔從所請。人民相率歸誠。賊勢遂孤。賊帥王九萬等旋

亦遁敗。十四年正月。王九萬復來犯會昌界。色

純遣遊擊李天柱周球等敗之於湖城。陣斬賊

兵千餘。擒偽副將一員。捷聞。下部議叙。又以吉

郡萬安縣。為贛南水陸咽喉之地。賊寇出沒。遣

遊擊田振。敗賊於西塘。又敗之於韶口。斬獲甚

衆。贛州賊固守老巢。遣遊擊李天柱等分兵夾

勦於黃潭地方。斬逆渠陳魁等二十二人。殺賊

二千餘。並下部議叙。是年卒於官。

賜祭葬如典禮。謚勤僖。

雷繼尊。漢軍鑲白旗人。初襲世職。拜他喇布勒

哈番。陞叅領。康熙三十四年。擢本旗副都統。尋

調正白旗。漢軍副都統。明年隨

聖祖仁皇帝由中路征厄魯特噶爾丹。賊兵遁去。繼尊

奉

命隨平北大將軍馬思喀率輕銳追勦。是年陞鑲白旗

漢軍都統三十九年甘肅提督缺出

聖祖特諭大學士等曰。孫思克在西陲朕甚賴之。因思西陲要地朕令都統雷繼尊前往者此故也。雷繼尊朕所素知。騎射甚精。人材優長。令署理甘肅提督事。

明年卒於任。

賜祭塋如典禮。謚敏愨。立碑墓道。碑文稱其恪謹素循。才猷夙瞻。自承世秩。允稱克家。俾轄羽林。亦能輯衆。云。後崇祀陝西名宦祠。

卅三元。漢軍鑲黃旗人。崇德四年己卯科舉人。

六年授內秘書院副理官。順治元年十月外補

山東登州府知府。二年官兵取揚州。

詔簡才能知府。三元以廷薦調揚州。三年二月陞山東

東昌道副使。時土寇橫行。黨與蔓延州縣。三元

嘗親領數十騎。巡行原野。倉卒遇賊。轉戰良久。

左臂中流矢。神色不變。戰愈力。賊乃引去。三元

歸。拔箭裹臂。痛稍定。更益士卒。期以日暮抵賊

巢。衆諫不從。卒率之潛往。賊方張燈夜會。聞兵

至。倉皇無措。然一呼而集者尚數百人。殊死戰。三元負痛發數矢。手刃渠魁。餘賊遁去。數月不敢近所屬。然糾合餘黨。誓旦夕復仇。忽夜半賊衆數千圍城。三元率衆死守。先集薪公署。戒其家。城陷即舉室自焚。遣家丁偽作乞者。乘夜縋城赴省請救。援兵至。三元開門應之。內外夾擊。賊大敗遁去。四年十二月。轉淮海道。值土寇陷海州。知州遇害。三元率衆殺賊。賊敗。追奔百餘里。盡滅其黨。十年六月。調湖廣上荆南道。十二年四月。改驛鹽道。十三年九月。陞陝西苑馬寺卿。十四年十二月。陞山西按察使。十六年正月。擢貴州巡撫。兼理湖北川東等處軍務。十二月。請舉賓興大典。以振文教。貴州自明季荒亂。斗米數千錢。民食維艱。十七年。饑益甚。三元念窮荒無米可買。饑民日報逃亡。仰體

皇仁。特疏借發倉米。以救餘黎。以保巖疆。言民為邦本。食為民天。國無民。不可以成治。民無食。不可以資生。今各處申報饑斃甚多。望救甚迫。若使畏

罪因循。視民就死。臣於撫民之責。謂何。臣若敢於負民。實所以負陛下。陛下無身。不可。聖明付托一方之盛心也。目今饑餓而死者。既不能復生。生者又奄奄就斃。臣何敢惜。

聖主撥運之楚糶而不救。聖主新服之窮赤也。况救民急於救火。若必待請命而後濟之。則京路往返一萬七千餘里。必越四五月之期。方奉諭旨。而僅存之餘黎。豈能忍饑以久延乎。臣聞漢臣汲

黯奉使於外。矯詔開倉賑活一方饑民。願受專制之罪。臣謏劣庸才。何敢妄引古良臣之義。蹈市恩之愆。因伏念

聖主德意。去歲大發帑金。賑恤滇黔窮民。全黔窮黎。已沾實惠。但窮民甚多。米價甚貴。分給之銀。每名不過一兩有餘。止可救旬日之生。更有無米可買之處。是以饑斃之報。接踵而至。臣何忍饑民盡登鬼錄。今以慘苦難言之狀。刻不容緩之時。故敢仰體

皇仁。借發鎮遠府楚運倉米三千石。以救各處殘民生
命。即與拜疏之日。開倉發賑。分給能幹官員。星
馳救荒地方。協同道府州縣官。沿門查人口多
寡。酌量給散。務期將斃之民。保全餘生。仰慰
聖主仁愛荒服之素。臣即受專擅重譴。亦不敢辭。其給
過米數。或准作賑荒之例。不復收償。允其開銷。
或止准借給。仍令秋收日照數追還。伏乞

勅下部臣議覆請

旨。臣遵奉施行。除散過米數。給過戶口。容臣查造細冊。

咨送戶部查核外。臣謹會
題尋奉

恩旨。准作賑項開銷。於是黔民全活無筭焉。又念貴州
並無平地。悉屬峻嶺危坡。水道不通。軍餉轉輸
率用人夫負戴。民苦之。三元由鎮遠偏橋興隆
一帶。遍察河形。惟諸葛洞老洞鷄子灘。巨石巉
巖。橫亘數里。壅斷河流。乃檄平越黃平興隆偏
橋各營兵。並募民夫。開鑿自老洞起。工濬月河。
築水壩。各險灘。皆濬通無遺。計所開水道二百

三十餘里。自偏橋至鎮遠。悉為通津。民免負戴之苦。歲省金錢無算。又銅仁石阡思南三府地連川東。防兵需餉尤急。而道路險遠。猝莫能至。湖廣辰溪縣界有分江支河一道。可通銅仁城下。過銅仁。可通省溪司。以達提溪司。而省溪司至提溪司四十里。盡為沙石淤塞。三元興工。挑濬復於省溪提溪二司。捐造倉廩以備儲蓄。軍民賴焉。九月。發兵勦明桂王餘黨。擒偽興國公呂洪煬。偽將軍權時泰。偽監軍僉事賀鼎等。斬之。十八年閏七月。以勦獲土酋龍兆吉功。加兵部右侍郎。九月。陞雲貴總督。康熙元年二月。以貴州地多荒蕪。

題請開墾。共闢官民田萬餘頃。三月。請修復貴州學宮。並勸苗民入學讀書。二年三月。請修復曲靖城池。三年水西土官安坤作亂。聯絡諸洞。相為犄角。且恃其險峻。詭譎不常。三元集兩省提督。及各鎮總兵官會同籌畫。分道並進。使首尾不能相顧。獨以一軍親搗其巢。獲安坤並各土

酋。斬之。苗地盡入版圖。

奏請改其地為威寧府。立流官統轄。叙功。加兵部尚書。又加階從一品。四年三月。雲南省城逆東土酋王耀祖等。因官兵遠征水西。竊據新興。僭號大慶。謀犯省城。分遣賊黨王義。齊正。陷易門。攻昆陽。河西。寧州。土酋祿昌賢應之。陷寧州。攻江州。及通海。宜良。二縣。窺澂江府。嶠峨縣。祿益。陷嶠峨縣。偽開國公趙印。選攻彌勒州。龍韜等。攻石屏州。謀犯廣西府。王朔。李自藩等。攻臨安。

府。滇南震動。三元同巡撫袁懋功。提督張國柱等。調兵分路勒捕。所至克捷。盡破其巢。貴州土司沈兆麟。沈應麟。糾合隴誇白泥。隴草。即岱隴。安藩等。來攻北喇。仍督師進勦。平之。烏蒙隴氏者。土酋祿天德之母也。糾合里額馬雍柯拔里。則窩赤祿等處逆黨。攻犯烏撒。三元分兵四路。捕勦。數月蕩平。貴州鎮遠西山司所屬田心等。九寨逆苗。結連界外生苗。構亂。調鎮_遠黎平二副將。平之。七年。告終。養去任。九年。引年致仕。三十

六年二月卒。

賜祭葬如典禮。謚恪敏。

王登聯接寫另行
起不空白

王登聯。漢軍鑲紅旗人。順治八年。由附學生員。考授河南鄭州知州。十二年。以治行卓異。陞山東兵備道。十七年。

世祖章皇帝特簡直隸保定巡撫。時海宇初定。伏莽尚多。地方官吏艱於捕緝。以盜為諱。十二月。登聯特疏具

題。請嚴縱盜之法。重窩主之律。厚捕首之賞。以清盜源。言臣閱近日盜案。未有拏獲立功者。將來必有匿賊不報。及朦朧開復之情。今後失事不

報與苟圖銷結者治以縱盜之罪。又大盜之情
形有二。一為窩主。一為引線。若拏獲大盜窩主
引線。供實立斬。不得任其展辯。地方官不行
協拿者。亦治以縱盜之罪。文武職官隣右捕役
有能拿首大盜窩主者。紀錄給賞。窩主擒盜自
首者。免其罪名。如此則萑苻日靖。境域寧謐矣。
明年正月奉

旨。這所奏於弭盜有裨。著詳議具奏。刑部尚書覺羅雅
布蘭等議覆。應如所請。於是盜賊漸息。閭閻晏
然。十八年。裁順天巡撫缺。以順天地方令其兼
理。加工部尚書銜。康熙三年。輔臣鰲拜以鑲黃
正白二旗地畝瘠薄。遣部臣會同督撫。重加圈
換。旗民俱不願行。愁怨呼籲甚切。登聯分圈路
南地土。目擊情形。具疏入

告言臣奉

命與三省督臣隨部堂臣圍換鑲黃正白兩旗地畝。房
屋。臣單騎咸從。星夜前行。於十月十八日抵通
州。會同商撥事宜。十九日至三河縣。公議戶部

尚書^臣夔納海督臣朱昌祚分圈大路迤北薊州
遵化遷安等處侍郎臣雷興同臣分圈大路迤
南玉田豐潤開平灤州等處臣隨同部臣東行
見所在田地極目荒涼民間之待圈者寸壤未
耕旗下之待圈者半犂未下夫大小二麥為續
食之膏明歲春夏當青黃不接之際目前既無
墾種將來當復何望滿漢並困此其一端也二
十四日霜宿玉田各梅勒章京周行相視地土
皆^多低窪沙薄不堪耕種越三日至豐潤遍^踏各

村之地大半亦屬不堪遂於十一月初六日復
回玉田乃自玉田西界曲河頭初下圈起甫施
一圈而旗下官丁各有異說咸為此地非山岡
石磧則河淤鹵舊給之地美惡各^半今我等
養馬披甲給我坡溝薄地相與爭執不肯承受
此又其一端也又民間所有夾空地土四散零
星不成片段難以足一甲喇一牛犂之响數又
有舊圈內房屋多而今圈內房屋少者有此地
內房屋可居而彼地內房屋破壞者一經移換

則舍舊謀新。糧米柴草必花銷大半。器具什物必拋損許多。語云。撤房三年窮。此又其一端也。蓋自十月十九日。距今十一月十五日。地之好歹。迄無定見。人之從違。茫無決擇。風聞撥什庫等。赴京控稟本旗都統。不知本旗都統作何動定。於是由玉田豐潤而東。再隨部臣等相度。臣思

畿輔田土。大率西北高而東南下。

畿東田土。北多山。南濱海。大率北高而南下。開平

灤州地勢瀕海。河流洄互。其中未必盡屬肥饒。則再行相度。必費時日。况下圈之後。更未知為何如。斯臣所見聞於旗人之情。形如是。至百姓苦楚之情形。則有難於見聞者。自圈地之信一傳。知舊業難守。有米糧者。已糶賣矣。無積蓄者。將轉徙矣。樹木折為柴薪。雞犬咸已變易。婦孺老幼。環泣馬前。並云。普天之下。莫非王土。圈地分所宜然。棲泊竟無處所。後來撥補。認退不致何方。眼下雪霜載途。懼填溝壑。將往奔

他境而逃人令嚴誰容住止仍僦集本土而人稠地窄難以賃居又有謂丁地相依地去而丁不除賦免而徭尚在糊口無資必虧課額者至臣所往來玉田豐潤一帶通呈士民不下千百顛云邦均別山米亭橋鴉鴻橋洛沽林南倉洪橋張各庄中門庄豐登務白官屯左家務晉各庄豐臺等處以及近城關廂皆衝要大路自順治三四年兩次大圈地土雖撥城關集鎮奉旨獨留今若槩行圈房必至星散其廢民間之生意尚

小若

皇差

陵工運石載料誰為填築搭橋修路挽拽之夫朝貢使臣誰任匍匐供應之事計其所關似亦非渺夫循制易地非臣所敢臆測但以旗人之情形如彼萬姓之情形如此臣知而不言是壅於上聞也言而不盡非抒誠體

國也豈

聖主授臣封疆之重寄與微臣任事勿避之本心哉臣

初欲與三省督臣合詞具

題圖換之後。既分路南路北。臣謹將路南情形。冒

昧據實密陳。仰祈

睿鑒。勅部臣從長酌議。將兩旗作何贍恤之法。俾各安

舊業。而

畿東億萬姓。庶得藉此以免播遷。則交頌如天。永

戴

聖澤矣。疏入。鰲拜怒其抗違。矯

旨將登聯與尚書蘓納海。總督朱昌祚。俱立絞處死。旗

民並哀其寃。無敢言者。八年。

聖祖仁皇帝親政。特旨昭雪。復原官。

賜祭葬。如典禮。謚愨愨。廕子盛唐。入監讀書。以大四品

京御用。

馬雄鎮字錫蕃號坦公漢軍鑲紅旗人原任江
南江西總督鳴珮之子也順治十三年授工部
副理事官管錢局密廠廠並有能聲康熙五年丁
父憂服闋擢都察院左僉都御史七年正月遷
內國史院學士九年奉

命巡撫廣西

聖祖仁皇帝解御衣賜之以寵其行至粵西加意撫綏
即請除兵糧腳價復有司邊俸去採買之累者
疏上皆奉

俞音時粵西群盜未靖。有王道榜等寇左江。妖僧某假明宗室。為亂右江。莫扶化等結連撞蠻。蹂躪平格二府。雄鎮會提督總兵官討平之。釋被俘良民數千人。十二年十二月。逆藩吳三桂據雲南反。陷貴州湖南。十三年二月。駐防廣西將軍孫延齡叛。應吳逆。殺都統王永年等。以兵圍巡撫衙門。時巡撫無標兵。莫能拒。雄鎮自經。家人救免。乃密遣子世濟。間道詣京師請兵。六月。復遣子世承。孫國楨。穴垣出走京師。請兵。延齡詞知。令其兄孫延基。驅雄鎮家屬四十餘人。幽禁別室。十六年。撫蠻滅寇。將軍傅弘烈說延齡反正。延齡躊躇未決。十月。吳三桂遣從子其孫偽將軍吳世琮。至桂林殺延齡。令賊兵擁鎮至營。逼降。雄鎮瞋目大罵不屈。目背盡裂。世琮殺其子世洪。世泰。併家僕等九人。以懼之。雄鎮罵益厲。世琮知無降意。乃殺之。烏金舖。是月十二日也。妻李氏。妾顧氏。劉氏。二女。及子世濟。婦董氏。妾苗氏。並同日自縊。全家殉難。十七年四月。撫蠻滅寇。

將軍兼廣西巡撫傅弘烈以其事奏

聞請優卹。雄鎮一門忠義，以勵臣節。

得旨。廣西巡撫馬雄鎮抗詞罵賊，精忠報國，併家口殉難。

忠貞慘烈，深可憫惻。作何恩卹。着議政王大臣等會

議具奏。尋議覆。加恩伊子世濟。以左右通政大理寺

少卿先用。

贈雄鎮太子太保兵部尚書。謚文毅。

賜祭葬。李氏董氏各照夫品級給與

誥命。二十一年正月。

聖祖仁皇帝親製碑文。勒碑墓道。文云。朕惟臣子之誼。

大節為重。然平居無事之時。人人侈談忠義。一旦臨

事。而為國捐軀。確乎不奪者。蓋寡。則所稱成仁取義。

之士。國家得之。宜何如。褒崇焉。爾馬雄鎮。游歷禁近。

簡授節旄。恪共之譽。有聞。綏輯之功。斯著。豈意叛藩。

逆命。怙惡弄兵。急變起蕭牆之中。孤城介桂嶺之外。

聲阻援絕。形絀勢危。爾則以死自持。抗詞罵賊。遂觸

克怒。橫致幽囚。然猶志切輸忠。力圖滅寇。聞闕遣子。

萬里來歸。慷慨上書。一心罔貳。丹誠既通於王宮。闔

門咸殉於巖疆。節挺冰霜。歷四年而益厲。操堅金石。經百折而不撓。可云烈矣。嗚呼。惟見危乃知受命之不易。疾風勁草。繫爾一身。實荷網常之鉅。朝廷養士數十年。有臣如此。庶無負焉。朕用既憫。且嘉。特考彙憲。賜謚文教。躋以崇階。爰勒貞珉。昭示來世。凡屬臣僚。聞風興起。咸思自勵。爾之為功。世道豈淺歟。二十三年。廣西巡撫郝浴。以雄鎮與撫。蠶滅寇將軍。兼巡撫。傳弘烈。並有功粵土。全家死難。請建祠崇祀。奉

勅特建雙忠祠。並祀二人。雄鎮好學。工書法。著有擊笏樓遺稿。及彙草辨疑。藏於家。世濟仕。至漕運總督。雄鎮家人有諸老道者。江南江寧府人。遊京師。無所遇。適雄鎮之父。兩江總督馬鳴珮。以致政歸。老道素知鳴珮。在兩江有恩德。遂嚮身其家。以勤慎為主人所重。鳴珮卒後十餘年。雄鎮出巡撫廣西。老道隨行。康熙十三年。逆藩吳三桂反於雲南。廣西駐防將軍孫延齡應賊。執雄鎮幽之別室。雄鎮抗節不屈。罵賊。老道亦隨主

痛詈十六年。三桂遣其從子世琮至廣西殺延齡。招雄鎮降。雄鎮大罵不從。世琮遂縛雄鎮暨家屬數十人。往加害。以老道年老置之。老道獨隨雄鎮不捨。仍大罵曰。吾從主人死耳。豈肯偷生效。吳三桂叛主賊耶。賊因並縛之。與雄鎮同被害。老道罵不絕口以死。雄鎮家人是日同諸老道死者。馬雲臯。唐進寶。倪天寶。王迎春。周進才。馬進福。韓厨子。小四兒等八人。並引頸受刃。無一畏縮乞哀者。廣西民人咨嗟敬歎焉。

陳啓泰。漢軍鑲紅旗人。由貢生初任直隸滑縣知縣。有惠政。累有遷轉。康熙三年。陞至福建巡海道。以搏擊豪暴為己任。嚴保甲。立團長。責所屬督率民壯。捕治盜賊。犯者輒杖殺之。奸宄斂迹。十三年三月。逆藩耿精忠據省城反。偽檄南下。啓泰密與海澄公黃梧謀拒守。會梧病。啓泰知事不可支。閱五日。令其妻劉氏及女皆自縊。妾婢二十餘口。先後相繼。啓泰定其次序。尊卑列屍滿後堂。從容引僚屬入視。皆相顧失色。汗

下莫敢出聲。啓泰慷慨陳義。無異平時。乃朝服望北再拜。繫帛以死。事聞。

特旨贈通議大夫工部右侍郎。謚忠毅。遣官

諭祭。廕其子汝器。入監讀書。福建人感其忠烈。建祠以

祀。

御書忠義流芳匾額。賜其祠。



